


嵇庵詩集

卷一 卷三

第一冊



10410 ✓

序

憶辛巳夏見汪雲溪所持筆上一詩爲梅君作讀而善之。以素未相知就謂雲溪欲得一見後晤雲溪詢之似已道達而梅君意不遽來者又趣之多時梅君始一來談頃刻去繼不復至予意謂梅君不來也及壬午九月忽來談良久娓娓清辯越日復來辯稍息予贈以詩隨示予所作詩一册子爲綴以辭有云士生今日必窮乎源流正變而後詩學乃全風騷炳若日星自不必論漢魏之作純乎聲情而氣骨特厚六朝以降發爲體義而文采疊興今之爲詩者易於古人而難於古人何也不稽庵詩集

序

一

得乎前此之聲情氣骨而但以唐爲祖本是猶登臺而欲捫天不涉乎後此之體義文采而專守漢晉之權輿是猶踞山而當行地云云此論予久忘之今見梅君尙以列其卷端因節書以記往事自是以後梅君數來乃至日日來雖暮夜雨雪亦來而予詩帙中從此見蘊生不輟矣蘊生沉醺古學必欲探川源嶽脈之精蘊故自六朝以上爲唐人所不能窺見者蘊生一一抉之而其初病乃反在弁髦唐作逮浸淫旣久乃又得唐人之風情氣韻醞釀發揚於是喻開天之殿系風騷實極源流澹合爲條貫脈絡之統成然後表裏胥融一光千徹而

所作亦從此愈進合今古聲情而一則矣自壬午至今  
子與蘊生互相資益其進於古人者往往爲予所不逮  
有不合者予亦間爲規之問學之交斷然一室不在標  
榜也庚寅子詩就燬賴蘊生存其大半殆亦天假夙緣  
惟蘊生境值支離若必令其合於窮而後工之說帖憂  
甫闕而半載之中北堂隕樹中饋失羣敝屋數椽又以  
況歎不能安席乃以隻身就館琴書伴答白雲無繫至  
如野寺孤僧曩以居署嵇菴豈菴遺而僧去乎詩使之  
歎遇何爲而然也今自編其嵇菴詩六卷友人爲刊之  
子更反覆一再讀見其古體尤深康樂或近明遠嗣宗  
嵇庵詩集

序

二

今格宗主少陵更薄延清廷碩詩至此難可知矣傳可  
知矣由是而擴乃室輪滋之絃越八音並適百竅相輝  
行可見也然則蘊生詩果以窮而工歟蘊生年甫強仕  
方當和聲鳴 盛遇豈終窮而惟蓼莪之痛莫可更釋  
觀其野哭集初欲風易其名繼則爲之感慨霑襟怛如  
身受蓋與子之夢陔如出一息也則子與蘊生詠歌相  
和涕泣相隨者也詩其謂我兩人何哉道光丙申秋七  
月黃承吉序

序

植之年五歲先君子口授四聲使日誦古詩七歲命爲  
五言十歲命學琴出就外傅請於師曰使吾兒解歌詠  
通聲音變化氣質不庸惡足矣先後受業於儀徵汪退  
圃甘泉王樹香兩先生年十二能爲古近體詩是年秋  
病幾死及差先君子加愛憐不使人塾先妣日爭之卒  
不許終日兒嬉於家彈琴賦詩暇則侍游劇場囂市荒  
村野廟興至雖風雨必挈往命吟於途歸錄其稿呈之  
於是自十三歲至十八得詩四卷自名曰趨庭集年十  
九舅氏謝秋潭先生歸自越州舍於家與先君子至契  
稽庵詩集

序

一

見植之善爲詩又曲愛之令朝夕唱酬凡二年又得詩  
四卷自名曰暨游集年二十一吾友殷君古農以植之  
能辭賦聞於許樵雲先生先生以弟之子妻之使復爲  
舉子業自此遂事帖括少吟詠矣丙子武康徐雪廬先  
生來館揚州植之以前所成八卷者介吳趨顧丈竹筠  
就質先生遂加許可且規其上曰若者如某若者如某  
選數百首錄副將爲之刻因是知所學於古者信世有  
同好庶幾無大謬矣泊辛巳汪君雲溪以植之所書紈  
扇詩見賞於鄉先達黃春谷先生雲溪因謂曰先生神  
於詩少許可吾子盍往學焉由是游於門親炙講貫擴

我以廣大引我以精微萬派千源卒歸於依永和聲興  
觀羣怨之旨歲星一周年已四十於道麤有所聞不幸  
辛卯歲先君子棄養甫服闋甲午又丁先妣憂乙未室  
人又亡貧病不支死喪接踵天無悔禍家變橫作門戶  
蕩焉煢煢一身無所逃命書籍文物飄零四散去年岑  
君紹周邀余館課其猶子始有食宿之所我友寶應劉  
君楚楨與同邑王君瓚華督令急錄稿本楚楨已代錄  
一通藏諸篋而瓚華爲余刻因檢前所成八卷者已散  
失過半乃合續作叢雜鈔之僅得五卷名曰嵇庵集嵇  
庵余故居鼓琴處所自署者也錄稿旣畢又以哀傷慟  
怛死生不得之不能已於言而無父母之可呼天之可  
問者成一卷爲野哭集雖其名爲孔子所惡而余實當  
之自念身世貧窶又負性剛木懶放雅不喜曼聲側豔  
及飲食徵逐之詩又不諳投版曳裾揖拜軒冕之習終  
歲閉戶訓蒙苟活風雨數椽籠頭破帽興感發詠勞者  
自歌無所成名自計已決惟不敢上負親師之恩與友  
朋講習之誼謹序顛末或有覽者爲工爲拙所不計焉  
道光十六年丙申春二月十五日梅植之自序

清故貢士梅君墓志銘

儀徵劉文淇撰

君諱植之。字蘊生。姓梅氏。祖諱訓。自宣城徙江都。考諱  
銜。積德在躬。鄉黨稱長者。幼孤。育於其舅范氏。范以爲  
嗣。及長。娶於黃。生子某。卽以之繼舅氏後。而已歸宗。繼  
娶於胡。乃生君。君年十二。已能爲古今體詩。二十學駢  
麗之文。博覽經史。工書善琴。而所嗜尤在詩。性簡傲。凡  
鄉里先達。及流寓名公。有所招邀。未嘗輕造其門。必歷  
久。知其學實勝已。乃執弟子禮事之。朋輩所心折者。僅  
十數人。視世俗齷齪之士。蔑如也。家貧無書。所讀經注  
及古文詞。率手自鈔寫。偶購舊唐書殘本。展轉借全帙。

墓銘

一

錄之二旬而畢。余交游中多勤學之士。其最攻苦者。甘  
泉薛傳均。子韻。於百憂中。手不釋卷。儀徵汪穀。小城病  
至。咯血。誦讀自若。而君實似之。君中歲疊遭考妣喪。未  
除服。而妻許氏又卒。家室蕩然。其愁苦抑鬱。無聊賴之  
狀。一寓於詩。余每不忍卒讀。勸其少輟。君諾之。而莫能  
改。然君卽不事吟詠。而所處爲生人極艱。身非金石。摧  
折之。斬艾之。欲求無死。不可得已。余固憂君之不永年  
也。而君竟以肺疾卒。悲夫。繼娶黃孺人。結縭甫七載。生  
男女各一。皆不存。歿之前夕。新舉一男。君猶強撫視之。  
名之曰毓曾。未匝日。縗絰一襲。加於文襟。嗚呼。可哀也。

已。君由揚州府學增生。中式道光己亥科舉。人生於乾隆甲寅六月二十日。卒於道光癸卯九月二十四日。春秋五十。卽以其年十二月二十日葬甘泉縣施家沖。附其考處士君之墓。君詩近體主少陵。古體則導源康樂。駢文宗江鮑而參以庾徐。哀艷散行。文亦雅有歐曾矩矱。所著嵇庵詩集六卷。友人王君瓚華梓行之。其續集四卷。文集二卷。則門人上元黃國華所刻也。江都薛壽及君妻姪儀徵黃春熙亦嘗受學於君。謂君之學行不可無所稱述。伐石刊詞。埋諸幽壤。以渴葬不能遠求。鉅公之文。而丐文於余。余文何足傳君。君之詩文。其必傳於後。則無疑也。爰爲銘曰。

君志之高潔兮。飲清風而餐白雪也。君學之勇決兮。挽六鈞而徹七札也。謂韞于中宜有所設施兮。奚出門而車軸折也。惟遺編足以垂後兮。芳馨其不滅也。

墓銘

嵇庵詩集目錄

卷一

古今體詩一百九首

卷二

古今體詩二百二十三首

卷三

古今體詩九十八首

卷四

古今體詩六十首

卷五

嵇庵詩集

目錄

古今體詩九十八首

卷六

古今體詩九十首

嵇庵詩續集目錄

卷七

古今體詩五十八首

卷八

古今體詩七十二首

卷九

古今體詩六十二首



卷十

古今體詩六十五首

稻庵詩集

目錄

二

嵇庵詩集卷一

江都 梅植之 蘊生

雜言

大道終未聞。虛名深足恥。靜言撫微躬。素心良不爾。奈何出世姿。甘以汚泥滓。豈伊榮辱牽。從俗故違已。我有好朋儕。家在秋江汜。遺我芙蓉花。方舟越江水。願言寶清芬。深情正如此。

寥空氣澄澈。湛然天地秋。清曠來遠風。煩心一以幽。仰觀候雁翔。飄颻何所求。側身顧落日。萬里空悠悠。

燈殘苦難寐。徙倚夜過半。無風桐葉落。孤鴻度河漢。卽

嵇庵詩集

卷一

一

此時已殘如何夜。難旦我有一寸心。淒馨恐銷散。美人期不來。相思再三歎。

四時相代謝。胡爲獨沈吟。年來甘寂寞。習靜情自深。晨起步階除。落葉飛霜林。延目眺秋華。絙我龍門琴。寥寥水仙曲。成連何處尋。

散髮謝塵思。仰天讀離騷。逸響迴孤雲。萬里風蕭蕭。湘君與夫人。仿佛雲中招。龍軫倭以遲。靈衣披且飄。我欲從遠游。佩服懷申椒。俟我崑崙巔。歸駕追風驍。

迢迢聞漏水。一滴一心折。可憐此夜心。鐵石碎成屑。百念皆迷途。亦復太愁絕。披衣擁寒衾。歎息不成熱。

花氣清於水隨風吹我衣相思秋夜長夢與白雲飛既  
去未移時獨宿蕙蘭幃由來夢中路歧途迷所歸

美人如高雲逍遙任風翔廣袖露華滋綵繡羅衣裳容  
華媚朝日顧盼含流光貽我頭上釵贈我耳邊璫我欲  
與之去道路悠且長

殘月下疎桐空窗落秋影不寢聞鐘聲吾心已深省念  
絕返自然何者爲榛梗相期我古人悠哉杳同領

夙昔務高遠與世殊矯矯吐論驚薄俗高言視天小率  
性不知返立身苦不早好風東南來飄飄生野草嘉樹  
苟不芳不如寸莖好

稽庵詩集

卷一

二

對酒不能飲拔劍起行歌歌聲悲且長迴步停青娥雲  
凝爲不流水寒爲不波俯仰天地間我如鳥在羅浩浩  
陰陽移白日空經過人苦去日長我苦來日多匪謂來  
日多愁思將如何

古人去我遠杳邈難爲親所識有遺書言笑亦相因少  
小敦夙好耽樂忘宵晨所遇雖艱辛不能改其真藉曰  
誤我身豈因頭上巾斯意固怡懌可以謝世人  
涼雨黯秋圍亂蟻吟四壁客行始歸來歸來殊戚戚心  
事如波瀾千迴萬推激我思中夜興無言淚垂滴慷慨  
發浩歌起舞唾壺擊

鬱鬱澗底松霜枝半摧伐雲乳滴陰崖蒼龍掛秋骨斧  
爲竈下薪何得見突兀清風散寒灰水香那銷歇  
東風雨無止簷溜響愁霖起坐弄絃索希聲緩鳴琴閉  
室獨徘徊悠悠厲長吟視彼桃李花撫膺驚我心  
少小苦迍遭甘心事沈寂奇好在詩書深情契良覲如  
何知識開憂貧反戚戚迷惑苦多端何者救沈溺誓將  
返初心稽古曠所歷首陽及陳蔡兩聖殊悲憾於此作  
曠觀吾道究何逃

年來懷祿仕射策涉江津材庸屢棄擲自顧亦笑嚔延

目眺山川雖奇亦不新問我何僕僕似非能安貧聊將

稽庵詩集

卷一

三

捧檄義娛我堂上人此竟不可得豈不堪悲辛我亦有  
退思守身以事親

人生寄一世相期無百年堂堂白日去飄若風中烟丈  
夫貴自立百行那能全良木壞其根雖華實不堅我思  
葛藟庇中宵淚如泉

扶疎蔽雲日中庭植高樹東枝摧烈風西枝浥朝露本  
是同根生榮枯不相顧好鳥相和鳴啾啾日將暮我讀  
東山詩傷哉古人遇

吾生久不達興言念吾祖朝奏明光宮暮歸富春渚辱  
身隱吏卒流離亦云苦丈夫雖侘僚清風足千古祇有

巖子陵同我空山處

同殷古農杓游降鶴道院晤長孫精一道士過平

山堂坐酒家看雨

平明出北郭朝露濕草根徘徊過石梁循隴步前村荒  
墟少人行蔓草長古原陰陰衆綠中忽見白板門中有  
一道士與我談元言向我說嵩華招我登崑崙出門日  
已暮杳靄雲氣昏

曲折步修坂騎驢下山趾松栝鬱芊芊蒼烟四山起石  
磴橫青蘿少憇欲延佇驚雷動天末滿山飛白雨

賞雨坐茅屋田家酒一卮惟此酒一卮與君斟酌之開

嵇庵詩集

卷一

四

窗望遠山烟樹相參差仄徑下野瀑亂水爭流澌此境  
良足樂我心忘所歸

湘神

湘神清淚灑秋露木葉啼風怨夜暮蕙徑蘭臯獨去來  
龍車不下雲中路南山白石叢竹春泐陽波濶魚鱗鱗  
金堂玉房一時閉鴻龍赤狗遮天垠安得東君大雄劍  
揮擢瑤虛開素練招君高駕紫雲輶靈妃笑侍瑤池宴  
海水東流浮桂魄蛟虬下伏龍豈宅願解秋裾動古歡  
不理哀絲訴空碧

過茱萸灣

菜萸灣前臨水湄村南村北人家稀深林掩映動社鼓  
東風飄蕩吹春衣細草生泥作意綠野鳥避人經隴飛  
糟牀臘酒白如乳微醺驢背迎斜暉

追和庾子山詠畫屏風詩

絳殿開秦闕仙臺逼漢宮檐飛雲倚戶池迴浪浮空芙  
蓉迎曙日楊柳送秋風會見蓬壺頂雙童駕兩龍

亂竹綠篔密懸蘿繞磴斜蹲崖猿嘯石聚樹鳥歌花帝  
女鸞觴醴天娥鳳葆車攜將丹竈火來訪葛洪家

邈邈江陵道濛濛夢澤烟山深恒阻日樹遠直齊天志  
歸疑范蠡不繫想張騫破浪乘風會滄溟卽目前

稽庵詩集

卷一

五

綺閣青城曲珠樓大道旁月宜憐鏡影花亦戀衣香漢  
殿迴鸞舞梁家墮馬妝定知碧玉小早嫁汝南王  
地迴娑邏塞營屯粟鷁軍驚沙蒙積月斷堞補關雲馬  
背琵琶作旄頭鬢築聞美人旃帳出其道漢昭君  
樹擁雕欄黑山橫粉壁青捲旗風蕩柳轉棹水閒萍浣  
紗來越女鼓瑟罷湘靈看取金隄上年年杜若馨

雲外

雲外瑤笙月下簫好風吹去劇無聊楚臣寶玦湘江渚  
帝子明璫洛浦潮無處再投紅芍藥有心空捲綠芭蕉  
迷離百曲春山路樹掩雙扉水隔橋

登茅山

滿山生雲氣，靄靄換晴色。曉雨細霏微，野田豆花濕。  
舉頭見危磴，人在飛鳥上。亂石凌潺湲，冷泠深澗響。

紅墻

紅墻迢迢銀漢隔，羅衫綵縵新涼逼。美人拾翠垂明璫，  
淚珠迸落珍珠香。斜立紅欄向簾語，但道巫陽與北渚。  
燈繁九枝寒影透，夢裏吟詩蝴蝶瘦。

花陰篩碎鏡光白，東家阿誰弄橫竹。逗落一天涼夜思，  
蘭啼蕙泣清湘湄。我亦西齋有芳草，雨怨風愁至今老。  
安得辟水靈犀心，魚鱗屋裏溫秋衾。

嵇庵詩集

卷一

六

和張丙生舒夜坐

搖落秋爲氣，蒼茫思不禁。寒蛩斷殘夢，疎雨碎愁心。  
對此一燈冷，那堪遙夜深。撫琴寄同調，寥寥餘雅音。

謝秋潭舅氏啓

卒於吳館人歸其遺篋有琴譜一

卷乃曩爲舅氏手錄也泣題其後

壁上枯弦冷七條，雅音無復響寥寥。篋中一卷猗蘭譜，  
猶是羊曇手代鈔。

沈寥寒宇氣清澗，疏越朱弦絕廣陵。此夜玉欄杆外坐，  
滿天黃葉打秋燈。

別怨

別怨訴桐葉吟魂入杳冥碧落異香散美人瑤瑟停蟲  
響露華白蛾飛燈炮青裁詩破秋夢無處寄湘靈

贈長孫道士

手持白塵尾三載往京華餐玉通侯宅呼龍貴戚家常  
扶九節杖高駕五雲車幾過終南路應看玉井花  
我曾三月暮江上訪茅君行李空塵土衣裳自白雲日  
迷金簡字夢息紫鸞羣逐逐華陽道仙蹤那得聞

過廿四橋登平山堂

宿雨野徑濕暖烟林樹橫二十四橋水萋萋春草生  
落日下天末暮雲歸樹間振衣據危磴滿目江南山

嵇庵詩集

卷一

七

柬楊季子

亮

月皎皎兮玉宇澹餘暉兮千里思美人兮未來悵迢遙  
兮秋水石蘭兮猗猗修竹兮離離望夫君兮徘徊折瑤  
華兮陳辭援玉琴兮吹橫竹采蕭艾兮不盈躬臨風兮  
浩歌蹇余思兮往復雁噦噦兮南歸歲旣晏兮霜雪飛  
亂余情兮如夢絲思多端兮君奚知

題慈谿鄭徵君簡香

勳

尊甫晚橋先生野雲居圖

疊嶂青山合空江匹練長先生棲隱地猶有讀書堂帆  
下蛟川遠林深鶴浦涼野雲來往處省識鄭公鄉

秋夜追挽秋潭舅氏

晚風吹暑微夜深鐘漏稀梧桐抗高館星月動秋暉滿  
地莎雞響入簾螢火飛西州舊游路幾過淚沾衣

白下送別卞渠眉

賢

秋江清秋水白此日秦淮送行客客去秣陵舟相思  
水上樓樓高但見江南樹迷離烟雨臺城路明日思君  
別夢長石頭城外山無數

秦淮雜詠

風曳殘蟬暮雨收幾行疎柳白門秋何人更唱金陵曲  
江北江南六代愁

雞鳴埭遠漫寒荆木末樓高切太清一帶女墻秋草碧  
稻庵詩集

卷一

八

斷烟涼雨是臺城

羣鳥啾啾喚柰何建陽門外起凋戈美人不惜青溪別  
更請君王玉樹歌

胥井淒涼怨水流景陽宮闕長梧楸可憐張孔臨春閣  
不及湖名尙莫愁

都官風度最清華江令新詩數大家恨殺羽書三十六  
教人腸斷後庭花

珠箔風簾挂夕曛秦淮秋水碧於雲月明長板橋邊過  
誰唱吳儂白練袈

碧雲深樹影疎疎一抹紅樓水竹居正是江南好秋色

天空木落雁飛初

蔣山如畫寫秋光  
王氣銷沈草木荒  
多少南朝舊宮苑

銅駝石馬臥斜陽

游茱萸灣山光寺

一路蒼烟接平楚  
隔江嵐氣浮青山  
我欲卜居讀書處

誅茅築室茱萸灣

山光寺前舟楫輕  
山光寺後原隰平  
頭白老僧諷梵唄

喃喃時作魚山聲

杉皮屋子竹籬門  
隔林曖曖遠人村  
小兒扶犁學農課

落日烏犍耕古原

稽庵詩集

卷一

九

遊平山堂

迢迢八千里山氣走峩眉  
江迴帆飛小天空  
鳥下遲法

雲垂碧殿靈雨黯叢祠  
十載丹邱想登高寄所思

秋夜有懷

蟲聲出破壁月色照秋心  
不是此時坐安知夜氣深  
疎

桐滴殘露和我龍門琴  
念子再三歎相思直至今

簌簌晚花落離離草露晞  
靜觀知物候忍與素心違  
目

送關前雁孤雲相與飛  
佳山有之子何日復同歸

重陽哭祭舅氏

登高何處望金閭  
一任靈巫說渺茫  
半世死生成小劫

廿年悽惻此重陽招魂正響哀鴻切酌酒偏開野菊黃  
記得從容陪笑語有誰甥舅似韓康

送王菱湖游豫章

且醉此樽酒今宵須盡歡燈花垂夜落庭樹響風乾我  
誦惜往日君歌行路難悲秋兼送別愁思兩漫漫  
攜手津亭側牙檣照落暉兩行紅樹裏一片遠帆飛雲  
外小姑嶺蘆中漁父磯清秋好登眺何日賦懷歸

湖上作

漢王廢苑松楸老煬帝離宮蔓草青日暮平山堂下過  
流螢千點亂疎星

稽庵詩集

卷一

十

與吳熙載

廷颺

論書卽贈

皇宏靈神媧與羲負哉爻畫書首基下規嶽瀆上斗箕  
蒼圖綠牒生馬龜帝媪提挈綱與維天驚地闢神鬼馳  
紛綸萬象窮端倪暢以昌后與魯姬五百餘禩生吾師  
帝墳皇緯徵龜著古曰在昔師姚媧結繩合金欽疏提  
書以取夬字曰孳班璜輯瑞莫高卑元黃紳韞章龍彫  
鷓鴣圖華飾俎厄刻雷書雲狀鼎龜典葵麗灼咸光垂  
至今煜烈書與詩嗚呼秦政狂而癡剗滅經籍夫何爲  
厥咎莫道倡者誰倉鼠之吏丞相斯金泥玉檢梁父陞  
篆刻繹石何曩曩繇是古迹疇潛窺淹雅之士恒悽悲

古文儻復傳於茲誓將逸籀相攀追蔑經侮聖犯有司  
曷其奈何弗死之吳帝厭亂秦祚移洵洵楚漢爭雄雌  
孝文武成文物治賈董揚馬搜神奇許君祭酒工文辭  
六書萬代尊臯比邈恒分隸神貌遺譬如車繫黃金柅  
後繼繇瓘邕與芝聲華籍甚如隤坻羲獻懷文起曾稽  
貴能家學相宗規羣賢鞘筆皆猖披狐狸那敢當熊羆  
猗嗟靡曼陳與隋風徽不絕如蛛絲貞觀天子神武姿  
潛搜妙緒研皇思歐虞李褚襄指麾修明典則如夷夔  
墨華流傳神護持雲根苔蝕猶淋漓陽冰篆迹窮毫釐  
昭回日月分澠淄漢魏以降疇匹台此言自警誠非私

稽庵詩集

卷一

十一

羣公旣往書遂衰中更十代無人知豈無俗手工臨池  
學古空得毛與皮或如文繡衣駢犧或如毀冕冠垂綏  
強躋上哲爭妍媸罔知媠母儕媠施精妖魅孽魍魎  
吾將一一加鞭笞休哉生逢 明聖期皇圖煥赫流淳  
熙真文秘緯農珎貽昭燦萬古如噉曦吾將珥筆登彤  
墀奈何俗學徽纏縻豎儒嘲詈狂兒嗤忍復毀譽同行  
屍吾友熙載懷英資蒼麟一角何鬻鬻鏡古不爽酌夜  
蠡探珠先得神龍驪倒海傾崑罔憚疲絕鑿邃冥析我  
疑隸奇草聖紛歲蕤復嗜篆刻勞刀錐藝巧若此同班  
倅况乃愛我如堦篲吾且與子重致詞古云我貴知者

稀毋以駿裏龍文騅下與鴛病服鹽韞毋以闔風瓊樹  
枝下隨瓜蔓栽秋籬薄俗漫漶伊胡底慎勿舖啜糟與  
醯吾若與子排雲螭同讀大學明堂碑或若與子窮數  
奇寂寞耕釣潁水湄仰天而呼歌咿咿不學南山與五  
噫軒皇堯舜在今日勉哉學道當斯時慎崇明德當斯  
時

次王西御

僧保

自題秋蓮子詞韻

靈犀一點自通神獨蛹孤抽妙緒成省識春濃秋瘦意  
王郎方是善言情

消息堯章與易安可憐清側解人難好將一管春風筆

嵇庵詩集

卷一

十一

吹入閒愁莫漫彈

全椒郭嶺生

嘉桂

畫蝴蝶花題云牆頭草開得好

紫蝴蝶飛來了余雅愛之戲傲東坡演陌上花

歌作牆頭草詩

東風吹綠牆頭草花放牆頭春已老西家飛來紫蝴蝶  
飛上牆頭花外繞花外風翻粉翅香遲遲春日下東牆  
看花誰識相思苦春夢春愁萬里長蝴蝶飛來又飛去  
花落花開等閒度郎似牆頭蝴蝶身妾似牆頭花上露  
花落牆頭露已晞蝶飛一去幾時歸殷勤莫過牆頭去  
逐我羅幃故故飛

秋蘭兮青青綠葉兮紫莖旣幽閒兮窈窕又調暢而氤  
氲余憶汝兮念汝愁何可以言申憶汝兮天涯念汝兮  
修嫿何瓊姿之瑋異竟緼糅於泥沙汝之生也仙靈汝  
之性也貞清信湘山之嘉種或澧浦之遺英雖同根之  
瓊蕙曾何及乎芬馨含薰匿采藏於深山帝子旣去湘  
君不還飄零伊汝誰與汝歡曼余日以流觀惟浮雲之  
渺漫余爲汝兮太息願護汝兮不可得愛汝兮何人悄  
無言兮爲汝隱泣芙蓉之花懷芳綠池荃蘅之草翹秀  
高陂羗蘊珍之若汝反蕭艾而同之豈汝之尤兮恃美  
質之娟娟豈汝之愆兮彰異采之便便斯汝生之拔俗  
何得罪於昊天曰維數之有奇兮吾今乃知其信然露  
瀼瀼兮秋陰雲溶溶兮湘水深沿極浦兮望汝空惆悵  
而至今攬余情以糾結汝安知夫余之爲心念一夕兮  
九乖恒搔首兮徘徊心煩懨兮忘食又相思兮不來相  
思兮奈何夢髣髴兮婆娑摻汝袿以執手願同往於烟  
蘿時不可兮驟得余臨風兮浩歌

題畫柳

青門樹樹碧雲流月緒風條踈地柔勞汝一年迎送我  
海陵春雨秣陵秋

雜歌

我有龍文三尺劍。滿室冰花落秋水。乃是軒皇之所遺。  
燿灼星光夜凝紫。軒皇飛龍游上天。泉阿鬱塞黃埃底。  
終南道士踏白雲。割去乖龍頭上耳。我今繫此腰帶間。  
酒酣一擊秋風寒。落落長歌行路難。

儒生讀書嗜奇古。出口羲軒與三五。文章欲共鄒枚伍。  
滴露研朱究何補。陳編盜竊倉中鼠。我心恨不同灰土。  
君不見揚雄之文覆醬瓿。餘子何爲謬辛苦。

有手不折章臺柳。有口不飲新豐酒。丈夫貧賤亦肆志。  
安用黃金大如斗。羞與兒曹爭好醜。形骸不必如芻狗。

嵇庵詩集

卷一

十四

何時得返嵩高山。嘯歌招我同心友。

橫江詞

潮雞三唱鼉更歇。吳楚行人曉裝發。扣舷我作滄江吟。  
采石峯頭掛秋月。

女媧留得補天石。化作山邊燕子磯。解識南人重離別。  
寄書從不過江飛。

登鳳凰臺

晨登鳳凰臺。悠悠念今古。人事一浮雲。空聞瑤鈴語。

送汪丈青崖

錫紱  
還武昌

漢水西南流。荆山連大別。相見未移時。離懷酒腸熱。何

以贈遠游明月不可掇何以擬清輝白雪度方潔川途  
戒舟蝗山原慎轅轍時哉歲將暮卽此孟冬節繁霜羣  
物秋寒雲羃山骨睥睨楚天長塵勞用披撇聞昔游琴  
臺朱弦汎清絕又聞太白樓新辭互更迭登高擅辭賦  
屈宋推前列豈以老將至冉冉壯心忽伊我事鉛槧俗  
學困膠結屢爲鷁退飛肯將翮鍛歇歌以贈所親含毫  
氣勃發

題吳丈少文

康

鬪魚會圖用韓孟鬪雞韻

良會暢古懽清讌各相待圍華纈寒英庭莎綴天彩羣  
思吳子膾遂合河伯殆豈容網以漏無使沼斯在謹焉

嵇庵詩集

卷一

五

動刀匕渾如競矛鏃登盤嘗旨否開軒愜爽塏此歌竹  
竿嫋彼詠白石磊腴鱗嚮位列薑桂及時改尾莘朱渥  
丹鱗寒雪飛醲樽空勇賈餘酒酣氣益倍或調以卵鹽  
或和以蝸醢或得雋以作或受罰以餒獻人職肥瘠衆  
賓不期給骨且先去乙書豈訛類亥披鱗亦無忌烹鮮  
復何罪說楚滔滔歌風河澗澗棠觀誇登來魯書同  
貨賄奚若老江鄉怡然寄湖海釀飲志無荒清談興不  
怠珍味聽撥刺新辭賦欸乃高林颯寒廳芳洲續秋綵  
可以窮睥睨因之共樂凱挈榼廣庭除艤舟沙岸隗烹  
人有屠蒯繪者復王宰我詩代染指蔓糝不可采

雪窗雜歌

辛巳之冬日將蜡有氏在旦婁在夜玉瑄初調春欲回  
白雪如花自天下今年

皇帝惟紀元神功聖德侔乾坤農人來歲喜有麥百姓  
飽食皆君恩

十日五日雲不開一尺二尺珍珠堆我今望日如望歲  
杲杲樹杪銅鉦來水瓶欲破梅枝折白冷紅僵春不洩  
墨池呵凍碾香冰忙煞如來廣長舌

鱗行爬沙落窗紙東鄰西鄰靜如水燒燈照戶雪壓廬  
竹勁頭低扶不起天心富人豈惡盈驀然到處如瑤瓊

嵇庵詩集

卷一

十六

不須河漢銀沙路此日應將朝玉京

余生行年二十九書劍飄零竟何有無友能如鮑叔交  
有妻大似梁鴻婦蒲萄之釀雙玉壺滿斟爲我堂上娛  
一笑吾兒有童戲來年多讀幾通書

簷牙滴水如迸珠冰柱五尺長有餘疑是玉龍鬪方罷  
從風吹落領下鬚嵇康鍛竈火無燼管生藜牀徹骨冷  
安得軒轅彌明來清夜敲冰詠石鼎

寒夜沈沈背燈坐十指排籤烘不可此時那有山鞠窮  
但讀昌黎陸渾火疎樵漸瀝如撒沙開簾滿樹棠梨花  
坐中惜少劉叉在更與何人賦雪車

通衢長逵如玉壘出門五步折屐齒思得燭龍吐火來  
化作春流下江水到處雜還淖在塗我欲出游須策驢  
閉門寫罷宜春帖更習山陰快雪書

寄汪曉樓

昇楚中

仙人黃鶴樓頭笛帝子蒼梧水上琴我所思兮聽不得  
那知之子有清音鶯飛草長思君遠衡雨湘烟念我深  
正好春華須愛惜登臨重憶倚閭心  
漢陽城闕岳陽樓如此山川足壯游兩岸香風芳杜若  
一江春水木蘭舟論交好向聲椒約作賦應從屈宋求  
桂子花開定相見與君同醉秣陵秋

嵇庵詩集

卷一

七

題包慎伯先生

世臣

授筆圖

清影蒼蒼散寒碧風皺秋湖練紋白先生坐授女郎書  
窈窕雲鬟侍瑤席明眸善睐含流光脂痕交漬松烟香  
低腰取試簪花格欵股參差論短長似能不能解猶未  
皓腕擘箋看指臂靈犀一點到豪端不管鴛鴦藕花睡  
畫師神妙入虛無顧陸張吳恐未如恰從三尺溪藤上  
傳出安吳執筆圖

題便面白蘋秋柳

寒波瑟瑟渚雲流無限烟痕絹素留我有愁心共搖曳  
臺城風雨不勝秋

水雲如絮影模糊淺碧鄰鄰淡欲無湘女不來秋亦老  
斷烟涼雨洞庭湖

題李春村聽鶯圖

春村與余舅氏秋潭先生友余  
晤白下而舅氏已歿愴焉題此

湖水柔藍波脈脈柳壓濃烟散香綠一篙新漲木蘭舟  
百囀流鶯好春曲間關兩岸響東風斗酒雙柑逸興同  
如何白也圖中遇轉使羊曇懷謝公

與王西御句生

翼鳳

昆仲石城橋同賦用西御韻

江上殘陽萬里天橋烏幾點下寒烟石頭城外依依柳  
搖曳秋心似往年

積雨夜霽西軒月明桐花淒馨時見螢火坐對內

稽庵詩集

卷一

六

子悠然意深挑燈擘箋相與賦此

皎月澄秋輝涼露散清響停琴下階立目送碧雲上風  
吹桐樹花無聲落蛛網欲寐不成眠因之結遐想

和丙生寒夜雜感

寥落星河夜未央卅年心事獨茫茫雅歌枉自黃鐘律  
錦字憑誰玉尺量李廣難封原是命侯生遭罵豈因狂  
牢騷譜向龍門曲恐碎崑山叫鳳凰  
莫漫悲涼負氣豪劇憐燈火寸心勞董生何日陳三策  
潘岳中年感二毛枕上清鐘山寺遠窗前寒月玉輪高  
蕭條剩有孤懷在晞髮臨風讀楚騷

庚辰春焦君虎玉

廷琥

以便面索余書落葉賦書

成而虎玉已歿復題一絕以歸諸嗣君瘞墓側  
焉

蕭蕭落葉冷寒雲紙上秋聲不可聞何日墓門披宿草  
自攜樽酒哭徐君

題任香海停琴佇月圖

我抱嵇生癖蕭寥二十年不逢天上月常秘軫中弦之  
子竟同調孤情亦邈然何時泛滄海相與問成連

平山堂望江南山色

躡屩陟層顛天風吹梵唄蒼翠香難分松楸儼車蓋虛

嵇庵詩集

卷一

九

堂構雲表俯挹江如帶參差青芙蓉明滅倏蔚蒼凝睇  
矚金焦高下沒烟靄莽莽不可求蒼然接吳會側想西  
南峯峩峩隱天外不因凌絕頂安知出塵蓋

燈市行

瓊樓幾日吹陽管東風散落春城暖未及元宵已市燈  
殷紅倩綠街衢滿迷離五色爛生光車馬駢闐一路長  
珠樹丹蓮互開合蒼龍紫鳳分翱翔須臾海市兼蓬島  
金碧樓臺何縹緲共訝天開不夜城是誰人種宵明草  
鏤雲裁月妙天工羽葆珠檐降碧空赤雀遠疑銜曉日  
仙娥低若舞迴風爭奇競巧誇精緻綵線金縵闔門繫

茫茫人海共摩挲就中獨數新裁製不惜黃金鬪麗華  
吾鄉侈靡古無加合須摘取天邊月留照揚州百萬家  
元日喜見瑞雪

未醒屠蘇酒飛來雪色新歲華今日早膏澤萬方春遠  
氣橫空積寒花入戶頻不須憐臥客歌詠樂嘉辰

訪冶春詩社遺址

虹橋新漲碧淪漣漾著詞壇此地傳簪紱文章扶大雅  
鶯花尊酒結前賢萋萋草色留寒照裊裊楊枝散暖烟  
太息風流誰繼作春波幾駐木蘭船

杏花爲風雨所摧感賦

稽庵詩集

卷一

三

狼藉春無賴空庭碧蘚滋一年方見汝何事易離披月  
但餘孤影烟堪護舊枝愴懷猶故我幾誤摘芳時  
揚子談元室東風幾度新飄零殊太早寂寞不成春空  
復芝盤石何來燕昵人蕭蕭墻外竹應共爾相親

解謗

君看古來文字交是非謬戾如牛毛屈平辭賦子雲易  
不免下土相詆嘲鳳凰上擊九千仞瓦溝亦復棲鶴鷄  
請觀物性用自慰胡爲悒悒心忉忉

李練江

澄

熙載招同泛舟雨阻未果

蕭索意無賴閑居賦未曾林花飛晚砌檐雨濕春燈折

簡招吳質維舟負李膺湖山幽絕處何日與同登

小坐

小坐浮游息無營得靜機雨將驚夢碎花欲挾愁飛故  
紙如相伴朱弦且待揮已知塵事苦不忍素心違

奉酬黃春谷先生

承吉聽琴之作

太音何微茫遺器有琴瑟工師習搏拊尋聲不尋律學  
士考鐘呂揮手苦拘窒茫昧談宮商楚囚笑非匹絃徽  
泥度數君子賤其術不知夔曠心神明賦桐漆虛無辨  
雅鄭知者求其實由聲以造形情狀粲然出或如山崔  
巍或如水汨滴雲雷爭喧阗驚飈歛飄發戩戩警邊霜

嵇庵詩集

卷一

五

姬姜泣秋月萬變須臾間朱弦見恍惚乃知天地心有  
動聲咸達繫余幼肄習手指困鞅轡循聲追古初廿載  
始超越窈窕渾穆中有感不可遏血氣和且平眞響斯  
軒豁嵇康及陶潛二子殊清絕要知廣陵散無弦謝天  
伐我志耽希微未敢感羣說望古聆天鈞悠悠恒抱膝  
夫子擅神聰論樂識通脫雅歌示我讀古心澹淵沕恍  
聽園客絲鏗鏘互更迭萬壑松風虛寥天何空濶元妙  
寄聲籟無言悟懷葛余技慚雍門徬徨獨心悅何時抱  
枯木拂石奏白雪相與和天倪一息情怫鬱尋我海上  
師辭家泛溟渤

小園八月桃花

記曾識面太匆匆  
笑爾靈枝落木中  
露井無霞春已去  
仙源有峽夢難通  
蟲吟破壁餘疎影  
蜨繞空樞耐淺紅  
爲語傾城好顏色  
可應寥落對秋風

嵇庵詩集卷一終

嵇庵詩集

卷一

三



小園八月桃花

嵇庵詩集卷二

江都 梅植之 蘊生

杪秋湖上經行

寒晨展清矚緣湖鶩蘭舟迤邐沙隄長窈窕林巖幽霜  
颺疾聞空昏晞倏見陬遠峯接隱汀黯黯烟霏收逸焉  
緬華春撫兮息巖秋物賞隨羣遷理愜延余搜摘芳懷  
彼姝揮弦對緇流鐘定尋精廬寂歷嗟無儔情去杳誰  
思習靜會所留塵勞釋羈勒獨往名山游

破視

一片羚羊石千秋志士心磨礪圭角盡砥礪歲華深恍

嵇庵詩集

卷二

一

見鸚春浴如聞龍夜吟劫稜雖缺落珍重抵兼金

枕上

夜永難勝日荒雞亦懶啼卅年身似怯百種夢都迷垂  
老憂慈父長貧愧病妻愁多思自釋無奈轉悽悽

與天長岑紹周

建功

冒雪遊平山堂

久負湖山約終年坐草堂今茲共攜手聊復逞清狂急  
雪迴風晶寒梅破臘香佳辰難再覲詩思入微茫  
迤邐經行處銀沙少屐痕泉聲沈凍澀山影入雲昏慘  
鶩猶浮水枯僧早閉門敝裘寒不覺沾酒過前村

放眼山亭上天花萬樹開平湖方玉海修榭總瑤臺吹

我乘風去披雲喚鶴來茫茫人世外何處絕塵埃  
聞說昆侖頂水崖疊萬重生平勞夢想此地拓心胸天  
遠遲飛雁山虛隱暮鐘與君雲壑賞徙倚對寒松

李靜齋先生

周南

招飲藉圃看菊

百卉齊春榮寒姿結秋菊豈伊性殊異嘉爾抱幽獨自  
非靜者觀賞心隨衆日夫子策名園桃李競繁縟霜葩  
吐孤芬秋情別相屬丹白影參差窗櫺氣芳馥一一逞  
秋容金精綴瓊玉開尊夜鳴琴希聲澹還穆裊幽思  
深涼風下庭綠

歲暮泛湖感事作

稽庵詩集

卷二

二

時竟感壯心歲事恒局促鼓枻逞清娛凌耶放遙矚寒  
流疊縮漪層陰黯疎木瀾瀾浸澄心依依送春日眷昔  
情屢回撫今念又屬願言懷所親芳華闕幽谷拳松旣  
危冠拔蘿復蹇足冥鴻翔高雲潛鱗躍深泐乘運本無  
礙知命遂求福達哉蒙叟言吾生又安卜

聞李瘦仙先生

天澂

移幕城西隆慶寺側詩莫之

逸翱翔千仞潛鱗沒九淵世人輕老病吾道異周旋書  
品窮而粹詩情淡亦妍蕭蕭湖上路暮草黯秋煙

寒夜自述

萬感起遙夜吾生良獨難病常如沈約貧直到袁安壯

志嗟波逝牢愁逼歲殘賦詩聊短述翻覺太高寒

與紹周西御遊雲山閣

素懷眷清遊興發每孤往欣焉際和時矧復結心賞攝  
衣窮登陟緩步恣偃仰遙岑開霽陰新萋茁寒莽臨流  
傷逝情憇石喟遐想倦彼塵外人珠宮眎宏敞密竹表  
林矗緋梅鬱雲上宛宛衆香歎琳琳梵貝響澄觀知有  
涯妙義契無象靈域儻不遙何事迫愴怳

桃花

本是崑崙種偏教此處栽根憑卷石護花作斷霞開春  
事雲俱遠仙人夢不來無言對芳草蜂蝶漫徘徊

嵇庵詩集

卷二

三

青苔

托根聊復爾生意短墻陰每對芳菲節空勞雨露心蟻  
侵隨壁繞簾捲度春深記取蘼蕪路迢迢何處尋

新竹

幸不因風折參差劇可憐畫欄虛冉冉吟榻淨娟娟細  
葉含烟卷初梢觸戶偏未應從斫却把釣在漁船

薺菜

乍可同苔蘚胡爲滿路隅閒庭空寂寞春意太荒蕪已  
分隨榛莽何須論苑枯腐儒甘嗜久翻覺味如茶

奉次靜齋先生聽琴枉贈元韻

竹陰瑣碎篩清光參圍夜宴傾螺觴

參圍春谷先生園名

主人招

我弄絃索拂拭徽軫蒼巖傍寒蛩弔月散清響風梧曳

露飛芸黃是時魚鳥靜且寂柴豸參差相頡頏身坐林

亭夢天外恍臨極浦浮瀟湘余生侘傺類楚客牢騷鴉

叫秋蘭芳琴操南音嗜成癖却宜八月彈清商嵇生不

作戴生死音均誰復知低昂古心自鞭獨渾沕廿年未

信筌蹄忘夫子審聲磬妙覺希微入耳神飄揚雲韶九

變雅歌作靈叢雷鼓非尋常南厓先生合有贈

江文南厓嘉樹

並有贈句惠施真解同蒙莊鏘璆金石互賡答須臾碧月沈

西廊遷坐罷操綴蔓句如聞牛鐸聲郎當

嵇庵詩集

卷二

四

漫吟

腸內車輪轉中心無停時輪轉各有適心轉何所之青

青道芳草璨璨瓊樹榮瘁固一世何能待來茲昔日

吳宮蠶變爲寡女絲彈作履霜聲惻愴聽者悲微物有

至性無知爾何爲

人子欲養親父母忽已老輾轉百憂集事事驚懷抱及

時無所娛此後皆枯槁功業與文章虛名竟何好悠悠

方寸心知我惟蒼昊

題西御秋蓮子集

吾聞策千里之馬不如乘下澤之車操軒轅之琴不如

吹齊王之竽。宋人寶礫梧臺側。卞和泣玉荆山隅。與世  
浮沈混美惡。丈夫未必非良圖。君有奇才八斗儲。珠璣  
璀璨青珊瑚。胡爲落拓甘窮途。人或笑其狂。而我惜其  
愚。卽令摛錦布繡炫心而快意。曾與吾身何補於錙銖。  
讀君之文三歎吁。東西南北各有適。吾儕踟躕將焉如。  
和西御詠鷹

哀劉烈女辭

寶應劉氏女爲應氏童養媳。未迨吉而夫病。女

稻庵詩集

卷二

五

刲臂月煎諸藥及夫死。舅姑憐其少。欲改字之。  
遂投水死。

吳蠶初作繭。軋軋成朱絲。朱絲彈出寡女悲。寡女之悲  
尙可聽。烈女之悲誰聞之。女時髮覆額。得上君子堂。少  
小無嫌疑。舅姑相扶將。當時見面雖爾汝。已知生死毋  
相忘。願爲西山鶉。乘風共翱翔。願爲東海鱗。與波相流  
浪。貞松白石空自誓。不道君子罹其殃。君身已死妾何  
望。魂魄欲從求。無方此時妾生不如死。舅姑愛妾恩無  
已。舅姑之心仁且慈。妾心有志那得知。此身已爲應氏  
婦。此心羞爲他人妻。梧桐之枝鴻雁翼。生也相親死相

得湖水茫茫夜深黑嗚呼烈女悲無極十年多謝舅姑  
恩明朝殮妾秋湖側

奉酬汪飲泉先生

潮生

深宵刻燭坐談詩酒氣花光爛熳時如我蕭騷宜物議  
知君風雅是吾師畫工不讓徐熙筆樂府還傳李白辭  
一幅蠻箋長句好聲情宛轉和朱絲

和春谷先生楊花曲

二月已過三月來楊花歷亂趁風開無情有恨離還合  
吹入簾櫳去復回輕輕貼水嬌無力點點依人拈不得  
依人貼水總無聊點點輕輕可憐色游絲百丈挂楊枝  
稽庵詩集 卷二 六  
黏著楊花不肯飛飄揚鎮日空何託搖曳當風不自持  
幾人繫馬章臺路幾人送別蘼蕪渡蜨影蜂聲太懊儂  
離情百結相思樹傷心莫漫怨楊花黃鳥西飛白日斜  
恨粉愁雲千萬里春光狼藉滿天涯

擬行路難

佩君倚天之長劍服君飛雲爛日之霓裳坐君珍臺雕  
堂清宴之閒館酌君蘭薰雪白帝女之瓊漿瑤華落地  
同蔓草美人白髮非紅妝勸君少徘徊聽我歌慨慷行  
路之難古所歎無時無地無年無月無日無夜非九折  
之羊腸

遠慮與近憂。飲酒逕狂醉。世上豈無千日醪。何人能得  
酩酊睡。出苦復入愁。馳馬縱長轡。世上豈無千里駒。何  
人不在天地內。飲酒馳馬不稱情。吾亦知爲偶然事。丈  
夫三十無位置。何苦低頭獨垂淚。行路難行路難心。如  
碎

洛陽城東一株柳。年年折向行人手。露葉烟條禿如帚。  
中有好鳥名黃鸝。歸飛切切枝上啼。一啼烟漠漠。再啼  
風淒淒。金衣襪襪自來往。惱殺高樓蕩子妻。人生異地  
異哀樂。不如閉戶甘蒿藜。

君不見崑崙之山高極天。世人遙望空雲烟。置身一萬

嵎庵詩集

卷二

七

一千里終南太華小。如拳駕我飄風六翮之元鶴。挾我  
童顏不死之飛仙。尻輪一去逐奔電。王母夜譙華池邊。  
珠樹作花大如斗。紫鸞戲舞風翩翩。還丹未成白日暮。  
一時淚下如秋泉。君看王喬與蕭史。豈有垂老逢仙緣。  
桃李生路傍。花開厭人顧。蘭蕙在深山。花落少人遇。豈  
無梧檟溷荆榛。每見麒麟逐狐兔。長安紛紛多少年。瓊  
琚玉珮登雲路。采筆朝披蘭殿香。錦袍夜濕宮花露。問  
君何爲得至此。共說辛勤究章句。不知頭白子雲猶著  
書。落拓相如徒賣賦。

一簣之土不可以栽松。尺澤之波不可以藏龍。大海蕩

蕩水所歸。泰山巖巖嶽所宗。請君載書泛溟渤。挂帆東  
指蓬萊宮。穹龜高龜躡躡而徑走。安問天吳罔象之熊  
熊。乃知車輪馬跡大行道。阮生所以悲途窮。

嘉樹植園中。未曾作花先。有枝男兒生。世間未曾解笑  
先。有啼富貴貧賤任所遇。此心胡爲恒慘悽。有酒不飲  
愛惜費。知者所鄙。愚者嗤夷。齊景公同一死。問君死去  
何所知。

翩翩雲中雙白鶴。飽自高飛飢啄粟。一朝爭食各飛去。  
不惜離羣但果腹。何來咬咬黃鳥鳴。如求友聲出幽谷。  
同生同翼且乖違。何況爾輩非其族。

嵇庵詩集

卷二

八

吹我無孔之笛。彈我無弦之琴。拊我無革之鼓。發我無  
聲之吟。青春晚晚。倏已暮落。花紛紛辭故林。章甫之冠  
售。斷髮崑山之壁。抵飛禽。古人不遇。尙如此。誰言結契  
輕黃金。

君不見東家少婦三月時。采桑南陌畏蠶飢。育蠶作繭  
抽新絲。梭聲軋軋窗中機。衣垢不能澣。綠鬢如蓬飛。豈  
料夫婿一朝至。入門喚婦聲如雷。強開繡閣飾粉黛。玉  
容雖笑中心摧。夜深伏枕淚如雨。悔不當時學歌舞。  
斷木爲車輪。東西南北隨沙塵。自我有此身。辛苦悲怨  
難重陳。我昔與君初結納。意謂膠漆無比倫。十年不相

見曠若越與秦車馬蹀躞來言笑非其真愛我慰我過  
夙昔意氣落寞非所親豈以君爲青天鴻翻令我爲濁  
水鱗古者張范之交問世出未可徧望尋常人

朝亦無所嘯暮亦無所歌入亦無所適出亦無所過長  
繩不繫西飛日蘆灰難止東流波人生萬事本夢幻百  
年一擲如飛梭洪崖偃佗棄我去所思不得心如何愧  
非仙才謝真籙亦復中道傷蹉跎

旣不能挾雕弓馳怒馬手接飛猱獵廣野又不能騁雄  
辯濡飛翰踞陳大策呼天關復不能業削西市胃脯工  
數錢刀洛陽賈屈首殘編究何補商歌金石皆辛苦無

嵇庵詩集

卷二

九

怪顛愚笑儔侶君看馮婦爲善士畢竟還能搏猛虎  
一言告君君且寬君聽我歌行路難何處草木地無棘  
何歲霜雪天無寒賈生不必湘水哭馮煖胡爲長鉞彈  
勸君且加餐窮通得喪天所安君若坎壈於邑而不已  
幾見鷓鴣雁鶩接翼於鴝鷲

苟可以燕息不必洞房苟可以曳屣不必鸛鷓苟可以  
飽飫不必膳腳苟可以遨遊不必康莊天地四方甚寥  
廓我身在世猶牝獺聖賢凡愚難計數我生在世猶螢  
光仰天大笑亦兒戲旣無憾乎薄薄復何問乎蒼蒼

海氣鬱晨霞爛然錦段天之涯須臾飄風土囊口滿空

白雨紛如麻。造化變見本恍惚。君心胡爲久咨嗟。昔者韓非著孤憤。自謂點畫無以加。秦皇覽誦恨見晚。詔書催迫登公車。圭璋未達刀鋸及。霜風吹落雲中花。請觀萬事無不爾。不如學種東陵瓜。

君不見漢宮雙金莖。乃是五利樂大之所營。茂陵一去不復返。但見仙掌高清。魏官牽車鼎門外。銅花泣淚交盈盈。人生肝鬲豈金石。有誰根觸能忘情。

白雪之潔有時而污。大椿之壽有時而枯。飽食嬉游本非吾徒。涸轍之呼。或笑其愚人無情。於往來魚相忘於江湖。

稽庵詩集

卷二

十

嗚嗚晰晰者爲網。呂之禽淒淒切切者乃短長之吟。到眼青蕪換春色。轉頭落葉飛霜林。俯仰上下但艱危。坐使青天白日沈。我歌行路難。無人知苦心。夔涓牙曠久不作。茫茫四海將焉尋。

夜坐

深宵羣籟息。幽意滿疎楹。有覺欲無睡。永懷難寄情。竹風捎影動。桐雨滴香清。試取鳴琴奏。朱弦緩不成。

索楊次雲畫海上鳴琴圖

近來歌嘯劇蒼涼。夢想鳴琴海嶠旁。安得凌兢關董筆。一樣寫我在博桑。

題便面芍藥

妙跡徐黃筆一枝澹紅香白影參差憑君懷袖當風處  
寫出天涯古別離

熙載句生業疇人之學詩以贈之

珠聯索貫互昭回紫氣祥光疊去來笑我真同窺筦見  
知君妙擅揆天才張衡制度煩推測李播文章陋翦裁  
清夜覽空從一望碧雲何處是三台

綠竹

冉冉青沾薜荔牆嬾娟修竹罨虛涼午風入戶簾垂地  
斜日當檐鳥下廊遠道尺書來渭北美人瑤瑟去潯陽  
稻庵詩集 卷二 十一

病中述懷呈春谷先生

小病渾閒事關心是老親艱難羞壯志蕭颯廢吟身思  
與泉流冷詩如藥物辛秋來防瘧疾寒熱幾迴巡  
細雨新涼逼微軀弱不經檢書思欲睡染翰惜無靈曉  
籟聞風鵲宵光數露螢十年餘一榻穿處草痕青

扃未開天手潘顏百世師室堂勞自度疑信證誰知快  
睹龍文煥欣聞鳳律吹清規宗 聖代焉敢廢吟詩

瓠落真無用清狂獨自憐嘯歌徒四壁夢想正千年末  
契邀前輩高文共冥詮病身殊感激猛著祖生鞭

戴燕孫 本貽 招同方琴甫泛湖

日落清波面，秋湖好放船。  
碧烟籠細柳，紅粉墜丹蓮。  
曠朗疑無地，澄空別有天。  
賴君開病眼，始覺困經年。  
傑閣雲沈樹，長橋水沒隄。  
名園游騎絕，歸棹野漁迷。  
鷺翻風遠，孤蒲曳浪低。  
晚寒羅袖薄，涼影碧淒淒。  
積雨高空洗，遙岑點翠螺。  
松杉浮遠嶂，星月浸秋河。  
物候清暉轉，吾徒野興多。  
何當弦望後，重聽采菱歌。

病中題韋蘇州集

宵深坐聞柝，萬感寂已幽。  
清風動閨涼，素月曖天流。  
物序倏變遷，大化不可留。  
繫余病七日，苓朮未云瘳。  
旣覺支力勸，復苦心煩憂。  
夜展韋公詩，挑燈試吟謳。  
清沁入肝脾，五字真難求。  
如聽朱絲絃，疏越和且柔。  
賴公療我疾，扁跗焉足儔。

夜懷紹周

暗蟲在壁夜未歇，疎燈照戶曉尙然。  
已將身世置度外，忽復幽憂到目前。  
何處遠鐘來一一，隔簾殘月露娟娟。  
懷人臥病年來事，只覺終宵不得眠。

論詩絕句

人籟端從天籟生，伶倫吹律協中聲。  
延陵觀後 尼山正述作由來本聖明。

太史輜軒久告勞奇文鬱起在離騷女蘿香草孤臣淚  
日月經天華嶽高  
天馬蒲梢樂府開果然漢武是仙才雲門昭夏鏗鐘鼓  
不獨新詩詠柏臺  
鏡吹偏宜合短簫不關奇字欲聲調翁離朱鷺求通解  
任是豐干也舌饒  
河梁五字冠西京聲律精嚴抵用兵誤著戎衣行朔漠  
枉教忠孝掩詩名  
峩峩天山塞草黃邊風吹節走羝羊臨河一賦征人怨  
愁絕哀筇萬里長

嵇庵詩集

卷二

三

子桓才藻亞陳王偏與辭人角短長果是文章輕富貴  
燕歌七字冠齊梁

日夕臨波賦洛神傷心萁豆最艱辛可憐建國同遷斥  
不抵詞章侍從臣

少小離家賦遠游不堪回首仲宣樓從軍未入黃初紀  
耻說功名我后求

二陸淹通正少年聲華入洛不虛傳緣情但覺工雕組  
堪與河陽步後先

黃門哀悼劇堪傷兒女情懷太不忘可惜風流易憔悴  
年華未暮鬢先蒼

疏懶心情逐垢污手揮目送雅音無養生既有神仙術  
猶觸驕王法網誅

阮公發興每無端醉向窮途哭更難一卷高文寄騷雅  
真源自在與誰看

慷慨難言詠古篇英雄自昔有迥莫嫌傖父三都賦  
到底功成十二年

奇思幻誕託游仙水碧金膏事杳然山海一編真奧博  
注來端不讓詩箋

彭澤清風薄太虛如何宗法本應璩生平實事耽求是  
遂使兒曹不讀書

嵇庵詩集

卷二

十四

慧業由來具六通延年何必強齊同春江萬里風濤壯  
爭及虛舟溟漲工

謝家文字最知名江左風流少抗衡一夢誰教傳好事  
果然春草貺難兄

顛倒青蓮拜後塵元暉詩思極清新餘霞散綺陰霞沒  
工拙由來待解人

牢落悲歌行路難參軍俊逸冠詞壇卽看少小推能手  
直使奇才突建安

擬軸篇篇繼謝公江郎采筆吐長虹妍媸互見真優孟  
恐與臨川較未工

高論風生老斲輪鍾期識曲聽來真何緣空執臬陶律  
疲茶臨文恐不伸

離亂哀歌庾子山傷心一賦鬢毛斑豔辭屬對工堅勁  
風格初唐四傑間

戎馬倉皇六代多北朝文士少詩歌雲峯山似寒陵石  
幸有磨崖字擘窠

魏鄭道昭登雲峯山五言詩會讀磨崖拓本

王楊盧駱當時體無限聲情樂府遺不信斯文在開寶  
操觚兒輩已瑕疵

拾遺高義薄雲天淵雅冲和沈宋先感遇幾篇真絕作  
却教直出李青蓮

嵇庵詩集

卷二

十五

蛾眉謠詠最憐君隴月邊雲慘不聞比似論才如論戰  
更誰超乘李將軍

少陵詩句若江河古義微茫近體多識得風騷原寄託  
紛紛箋注督如何

羣雄林立數開天儲杜高岑直比肩佳會慈恩題雁塢  
法門龍象賴諸賢

清詩句句妙無痕月夜乘舟過鹿門韋布高名達聰聽  
一言也算抵深恩

維摩觀世藐秋毫樂瀨欹湖息物勞文士每多材藝累  
悔教苦學鬱輪袍

豪氣銷除老似僧左司五字最清激鐘聲樹色空千古  
記得扁舟過廣陵

性道文章踵孟荀六經微旨獨精醇自公辭訓工深厚  
誤却蘇黃作替人

辭華潔淨未精微黨入韋王萬事非十二雅歌真典碩  
金雞何日柳州歸

清苦吟詩賈浪仙疲驢策策劇堪憐不因遭際瞻山斗  
何事能參文字禪

月蝕新詩怪絕倫任華以後僅斯人風騷到此悲澌滅  
未識何因作茗神

嵇庵詩集

卷二

十六

牛鬼蛇神太好竒新歌豔斷苦勞思縱教天與通眉壽  
奴僕何能命楚詞

白傅詩篇老嫗知泥沙金屑苦難披樂章雖好如謠唱  
爭及劉郎賦竹枝

編珠綴玉逞浮夸折齒難忘是狹邪豈有麤疏傲天子  
尙云誤讀在南華

紛紛獺祭苦搜尋翦綠裁紅頗用心從古微文難會得  
斷無錦瑟少知音

王官谷裏坐談詩不見司空絕妙辭二十四評會未得  
此中辛苦有誰知

湖海文章氣象雄天才卓犖憶坡公一生蹭蹬多疑獄  
豈爲詩工遇始窮

剛復談經學未純垢衣疏食少天真不應徧選三唐集  
獨信青蓮是酒人

談詩我昔愛滄浪禪派分明說最詳高妙自然參上乘  
幾人著眼是金剛

祇有遺山善論詩宗風不絕若蛛絲眼前虞趙皆溝漚  
滄海橫流待阿誰

文人鴻筆數高劉汲古都從象罔求若論驪珠誰在握  
青田久已讓青邱

嵇庵詩集

卷二

何李登壇亦大家當時高製爛雲霞若教量入黃鐘尺  
不止荀郎半黍差

殘篇佚句苦爬搜無異罾魚木上求玉牒卿雲兼撰出  
竟將贗鼎賂齊侯

哀豔歌行最可憐詩書過眼若雲烟悔將庾信堪師法  
到死方知不值錢

日月光華紉縵雲 熙朝名士總懷文南施北宋如驂  
靳畢竟漁洋卓不羣

延壽精思著易林說經餘事託謳吟誰知造化鍾詩魄  
早向興安折素心

造化鑄詩魄一官遠南征焦里  
堂先生懷春谷先生令興安詩

鴻裁騰蹕邁高王

高青邱  
王漁洋

萬戶千門擬建章天愛斯文

續騷雅一官能不去三湘

此情久已待成連

雞鶴從來共一羣如何攀附恥聲聞太元不是君山讀  
那怪當前失子雲

秋夜雨窗再題韋詩

澄思湛槃水詎假物推送古人去無質欣懣杳誰共聽  
雨臥空窗泠泠破秋夢

題姚後陶詩集

嵇庵詩集

卷二

六

姚潛字後陶前明廷尉姚思孝仲子爲歙縣諸  
生甲申後棄舉業遷揚州少時妹家爲讎人所  
訟陷刑部獄後陶破產奔走數千里贖妹氏及  
二甥歸江南妻死無家爲曹棟亭客與程穆倩  
陳其年友善年八十五卒葬京口爛石山有詩  
一卷雅健具中唐風格

詩情老去甚高閑比似程吳季孟間  
程孟陽  
吳野人任俠那知  
過郭解枉教詞賦動江關

寶應劉君楚楨

寶楨

奉其師張趙亭先生初蘭圖

遺像屬題

側想張文伯靈芬滌素襟披圖紉楚佩如聽碧天吟  
寥泬秋將暮蕭然風滿林清蹤傳弟子空賦大招尋

登平山堂還瞻湖中作

循闌步修阪陟級窮高隈躑躅肢未勸矚矚心始開昔  
情固遐喟茲游復長懷明滅瞰江峯縹緲凌煙臺微陽  
鏡澄波窮陰帶寒萊聆虛警清飈延遠翳紛埃感會念  
已憾浩歌意彌哀待年蓄盛藻訪道非仙才採幽欣與  
同達化妙所推逐影候歸禽墟里昏森霏

桂之樹行

桂之樹亦何青青我攀桂枝無與同行宵月之光乃麗  
嵇庵詩集 卷二 九  
於魄燭火之照不及夜屋我有旨酒飲我山中之人我  
有鳴琴可以和精神不如乘堅車策駟馬飄飄隨風率彼  
曠野臨流而漁獺或笑之鳳翔高冥驚爾怪鴟事各有  
適衆以爲欺躡屨於雲山之顛追王喬尋僮佗攀桂枝  
兮淹留與子期乎萬年

西牖雜述

西牖餘斜日暉暉逼歲殘光風迴薜壁晴雪瀉花欄攬  
鏡憐形影停杯奏苦寒長途吾未擇不是誤儒冠  
擬棄班生筆仍慚賈傅書及時須踞策何日許登車坎  
壤羞彈缺功名恥曳裾聞雞繙故帙燈火夜窗虛

聽徹高城柝星河隱戍樓瓶冰寒水玉風犯傲貂裘璞  
自荆人獻珠誰象罔求十年墻面立未信短曹劉

酒醉天教飲詩狂性所鍾市人恒畏虎吾道豈猶龍夢  
折山阿桂心枯澗底松深宵看劒氣秀出紫芙蓉

一經猶未達苦被二毛侵破曉雞啼戶先春鳥啁林幾  
年牢落感獨自短長吟天驥從誰策空閒萬里心

今夕行

考鐘按鼓懽樂陳主人延上坐請聽賤子今夕言我昔  
別君去東到滄海西過崑崙南越朱崖北超元門明珠  
百斛棄不收琳琅之壁輕如塵歸來閉門學樹木東西  
南北各各樹千百棗栗羅前軒梨桃垂後屋啖我一李  
其與幾何食者見惠枯核繁多尙復與君游清池爲水  
嬰網罟密積亂荇藻不知驚起雙鳧飛

除夕

東風入律春將至北斗橫天夜未闌往事漫隨鴻爪變  
壯懷須付酒杯寬耕無代祿師長統坐已穿牀類幼安  
只有梅花檐向好半窗清影與高寒

稽庵詩集

卷二

三

嵇庵詩集卷三

江都 梅植之 蘊生

元日

絳蠟催寒夜春窗轉曙光  
鑪熏沈甲暖杯泚紫芝香  
事與年爭進心隨日併長  
撫躬慚學殖何以慰高堂

元日又作

卿雲容裔靄層霄  
絳闕清居入望遙  
臘氣搗殘長夜鼓  
暖風吹徹半城簫  
擬驅鐵馬收西域  
未著朱衣事早朝  
儒術及時思報國  
揚雲終不抵班超

與紹周游玉清宮聽龔道士彈琴

嵇庵詩集

卷三

一

神宮闕城闕清士解絃歌  
顧我耽琴癖希聲入指和  
仙壇翔夜鶴香沼泛春波  
歸步丹林月依稀夢裏過

送春谷先生入都

春水泮河側夫子賦遠游  
僕夫整行駕問言馳  
皇州調風送輕艫  
纖埃翳華輶戒塗且勿亟  
尊酒敘綢繆綢繆數載心  
顧我情極深仰瞻未能及  
感激會成吟曾是儲素寶  
世許甘陸沈眷注天所欣  
離思我難任我離詎幾時  
一日遠如期及茲今夕心  
杳同千里思傾想神已勞  
贈詩難爲辭言約候歸軒  
夏首返京畿夏首序易遷  
撫時情更延此計春草萸  
還念山櫻然近

光天已承布澤物待甄翹佇聆嘉言示我 帝京篇

喜晤海寧高萍客

柱

記取秋風別三年始見君鯉魚空復爾鷗鷺每難羣夢  
逐滄波遠書從海嶠聞相思寄明月惆悵隔南雲

柬紹周

匝月音塵隔驚心物候違桐花檐向落螢火夜深飛習  
靜空危坐忘情詎息機思君對芳樹彈徧十三徽

紹周與余相尋不值

相見渾無事相思各自深我方憂未已君復病兼侵心  
苦堪勞瘁愁多廢咏吟豈知歧路錯兩地誤招尋

嵇庵詩集

卷二

二

並無千里隔有會輒經時尙復同鄉里真如遠別離浮  
文延譽重頻諾見心期念子如流水悠悠不盡思

秋感

勞生固多端達者詎能遣習靜會思深驚情辨時轉露  
蟲引秋吟涼螢散星點中夜起長歎我心不可卷

題句生詩集

病耳厭箏琶朱絃聽者寡之子敦古初高文證騷雅繼  
軌遵前塗鞭心絕外假君才不多覲詎出古人下  
余幼耽空文望道苦無進軼氣薄天澄深思察泉定翳  
念蔽心魄萬疚積銖寸知文喜晤君亟與叩宗乘

秋齋病起作

積疴感宵晨幽居憺愁瘁矜名數有待習道理無味開  
軒納澄氣湛思恣清味宿露蘊寒姿輕颺轉深翠循虛  
警聲籟乘節獻妍媚因生物共息在化命自遂妙覺誰  
與滯懸解固無悖反觀如可求欣憾等一寐

病中聞萍客歸里

相見何時又自歸欲留無計意多違十年作客雙蓬鬢  
萬里還家一布衣鵬拂江波隨鳥去帆開浦樹逐雲飛  
秋風病廢身無力夢向津亭送夕暉

秋夜雜述

時耳忽聾

嵇庵詩集

卷三

三

木落驚庭翠花飛惜檻紅殘燈恒夜雨高館又秋風多  
病嫌身懶忘情任耳聾自知無怪事不復強書空  
秋陰偏不散節候總非常頓覺羅襟重仍愁葛帔涼亂  
蟲吟斷堵寒蔓引深堂鎮日心如水秋情自渺茫  
已分甘幽寂生涯任去留元蟬辭木末別燕顧簾鉤阮  
籍空耽醉張衡漫賦愁感時難料理詩態不能休  
狂作千年想含毫恐未安窮情知疢疾盡力涉艱難玉  
尺憑誰擬朱弦獨自彈寸精開造化夢醒一燈寒

薛子韻

傳均

招同劉孟瞻

文淇

楚楨楊季子包孟

開

慎言

家起

興言

家丞

興實

昆仲秋日湖上

嘉會何由得蕭晨愜快游亂蜩嘶落日疎柳曳殘秋君  
等齊雲鶴吾生愧海鷗相期各千古無忘此同舟

九日與上元金柳塘

玉豐

六合戴雲軒

文燦

其子

君植

廕培

游禪智寺

步入招提望山光碧樹秋亂籐懸畫碣寒鳥聚經樓歌  
吹空陳迹登臨慨勝游茱萸灣外水日夕自西流

和句生九日登南樓作

輸君此日獨凭欄雲樹蒼涼放眼寬鐘送歸雲僧寺晚  
天垂遠樹女牆寒九州擬作登高賦十載空彈處士冠  
笑對黃花如我淡霜枝何得怨摧殘

嵇庵詩集

卷三

四

和孟瞻楚楨九日會諸公游西郊

秋晨展游眺接襪愜招攜披文覲登陟卽事悵乖違  
返睇躡崇邱緬眇窮層隄霜風革高節雲物涵清佳野烟  
霽遙村疏畦繡寒萊仰聆候雁馳俯際時菊開適境緣  
延思眷情抗古懷角藝慚非長敦德詎可儕望表夙有  
欽逐景願無暎寄言二三子勗哉勵所齊

和春谷先生寒鴉

逐隊鴉飛亂秋情入渺茫寒聲催葉下墨點破烟長日  
薄山樓側霜霏水驛傍莫矜雙鬢好愁絕望垂楊

夜坐

氣薄苦辭酒愁多欲廢詩有時逢泥飲無術解深思萬  
事同泡影中年感鬢絲莫因蕭瑟甚強對菊花枝  
一寸燈餘壁翻驚月出光夢迷隨枕錯心亂入更長點  
鼠跳寒案荒雞咒短牆病身殊輾轉霜氣逼藜牀

久不見紹周

吟情難住著落日掩荆扉問訊欣無恙翻嫌愴不歸湖  
風吹短鬢寒葉墜秋衣惆悵霜天雁飄颻獨自飛

戲賦四首

一寸精靈萬象探無端憂樂待誰參中天斗柄高懸北  
萬古瓊衡正指南多事負書千沈約幾人覆瓿對桓譚  
嵇庵詩集

卷三

五

朱弦雅進升堂瑟從此心傷獨繭蠶

截象剝蛟百鍊鋒倚空誰拔紫芙蓉諸公枉自羞毛遂  
四海無人謁蔡邕長路關心嗟老馬天衢掉尾躍真龍  
九張機上雲霞色合在蓬萊第幾重

不倍西京薄建安眞源取證解人難鈞天張樂陳千品  
王會披圖拜百官終古歌風傷蔓草有時吟澤弔叢蘭  
夢中十二歸昌協碧海丹山夜正寒

悲歌倚劒笑狂且萬軸琳琅一草廬身世百年憂未已  
文章千古願終虛清規屈宋推前列異采班揚託後車  
何日金泥容黼黻九天風雨待吹噓

五君詠 并序

弇居窮巷寂處尠懼嘯歌疏狂人口不理聯裳  
接襪有五君焉文章行業師友兼資仰鑽詎能  
聲詠斯發樂馬卿之同時幸桓譚之親見抱芬  
濡澤不愈於希古抗心乎列其少長作五君詠  
六合戴文燦雲軒

安道不彈琴延君惟說禮淵衷富圭璧含輝蘊深美履  
道衆忘介飲和物莫鄙讀書三十年不爲軒冕起 雲軒舉於

鄉不起禮部試

甘泉薛傳均子韻

稽庵詩集 卷三

六

植業謝雕繪斯人美無度習理洞深遐識字破章句矜  
矜茂廉角潭潭擅宏富卽觀逍遙游逸足詎堪步 子韻深於

許氏之學著有說文答問文選古字通且健步

儀徵劉文淇孟瞻

學粹性亦沈與世忘臧否靈照蒙緇塵淺言隱深理觀  
書博芳臭味道如辨水不獨駁規杜二劉真孫子 孟瞻博集

左氏傳古注陽湖李申者先生贈詩云二劉今見真孫子慚愧偷書孔護軍

寶應劉寶楠楚楨

彼美來白田十葉被儒服淹雅洞古今萬卷恒不足達  
士忌聲聞仁者固訥木遺澤寶清芬編詩授我讀 楚楨錄其

先祖父詩有清芬集若干卷

儀徵王僧保西御

涉世與世忘清狂逐杯酒雄辯聒羣聽無惡在人口鶴  
翻摩高雲飄颻物難耦一卷秋蓮詞苦心出香藕

西御工詞

自名其集爲秋蓮子其序云搖落可傷苦心獨喻

輓歐陽蜀江先生

錦

無端空谷委生芻豈有靈氛問楚巫萬事傷心虛就養  
一經垂老誤爲儒蕭齋寂寞餘書幌遺墨飄零有畫圖  
椒桂招魂何處是霜風野水白茆湖

蕭蕭木葉冷蒼苔屐齒煙沈黯不開載酒難尋揚子宅  
嵇庵詩集

卷三

七

著書空有孝侯臺  
寒夜吟  
寒快雪鳴禽杳絃絕清秋落雁哀  
未契藉誰申感舊明年麥飯爲披萊

寒夜吟

星河寥落元鴻號中情振蕩奔崩濤  
一生戰力盡蝸角萬事刺心齊蝟毛  
愁腎殘燈夜耿耿夢沈遠柝風騷騷  
忍寒獨坐三歎息披衣起視霜天高

題蕭尺木山水

籍甚蕭思話風流詎可攀如何泉石意轉出畫圖間  
孤棹雲邊水長林閣外山從來白門路幽絕未知還

笛怨

笛怨隔秋水縹緲烟中聞遠岸落楓葉青霄流白雲依  
依臨極浦脉脉望湘君多少疏麻感何緣屬雁羣

十二月望對月

流光無住着相對每情深皎皎當窗影依依此夜心烏  
棲殘雪樹人立廣庭陰十載秋宵夢低回不自禁

題宋人早朝圖

玉殿春雲覆眾愚轉曙光曉風承委珮旭日麗垂裳柳  
色千官遠鶯聲萬戶長由來清切地彷彿見金闈

同句生游建隆寺聽問樵上人彈琴

野寺春城外迢迢碧樹林美人思白雪招我聽鳴琴此

嵇庵詩集

卷三

八

事從吾好沈吟獨自今穎師重識面禪意入希音  
十指千迴轉山虛水自流虧成惟妙覺恍忽與誰求坐  
久心俱寂相忘物外游歸途乘暝色殘日下經樓

戊子元日

天機無住著忽忽暗中更失學滋文病長貧飽世情謬  
矜吾道重翻覺此身輕望古心如結憑誰證我生

鼓琴通妙解彈劔引長歌杳邈移情遠蒼涼發興多精  
光開紫氣心事感流波卽境皆天設低昂空若何

昔年十五學琴於天寧寺蜀僧大用越僧學成自

兩師茶毘不到此二十年矣今攜小生重登大

悲閣喜晤蜀僧佛海雅解論詩因感舊游

少游如夢幻世外轉多師流水廿年度雅音餘我思何  
人語天姥見月憶我眉聊復參禪寂湯休與論詩

七夕

蟲響螢飛風露秋仙期消息信難求從來一水盈盈隔  
底使經年脉脉愁雲護珠宮空北駕天回銀漢正西流  
深閨今夕秦川女辛苦鳴機不自由

佳會由來信有天人間何處覓仙緣斷無離別成終古  
但覺相逢總隔年空外好音虛寂寂夜深秋色澹娟娟  
幾回攬得支機石愁絕橫槎碧漢邊

稽庵詩集

卷三

九

與紹周月夜游長干寺

山寺杳沈沈蕭然羣籟歇雲表散清光秋河浸孤月晶  
晶心魄寒疑是山陰雪諸天流素輝萬象皆澄澈傑塔  
凌珠宮金碧不能別何處尋須彌此卽水晶窟鼻觀來  
異香了與人世絕君身信清淨可以契禪悅

與紹周熙載西御句生昆仲登雨花臺呂祖閣

秋晨愜高視飛步尋雲峯南登雨花岡觀闕何玲瓏森  
森羣松顛戶牖開虛空江流萬里波一線盤雲中側身  
轉東顧海氣蒸濛濛始知飛鳥上天路安可窮時聞桂  
子馨菴榻吹秋風坐覺毛骨輕超越塵寰蹤烟靄晝霏

霏衆山鳴清鐘

同丹徒柳賓叔

與宗

游八公洞宿半壑庵聽問樵

上人彈琴賦呈并志別

四山蕭槭風鳴柯攝衣向晚來山阿山童告我寺僧出  
劇愁到此空經過披拂松篁坐齋閣新月出嶺棲烏多  
須臾隔澗驟犬吠有僧荷笠歸烟蘿入門見我笑奇絕  
問來此地游無他埽除禪榻置羹飯張琴爲我彈樵歌  
幽絃宛轉答山鬼意境彷彿開嵯峨俄然罷操下階立  
仰天寥落看星河山深夜寒不得寐掩關擁被思吟哦  
却憶與君會白下別來三月如飛梭中間事事足慨歎

嵇庵詩集

卷三

十

坐令壯歲空蹉跎此行益覺了無謂

時適往謁薦師丹徒令吳晴椒先生

自笑不免遭人呵一生去住豈得已到處無乃遭文魔  
賦詩一噓告君去明朝解纜乘江波

留別問公

支公偏愛客移枕暮林前風定落高木山虛鳴暗泉到  
來真是幻相對轉茫然爲寫別時意清宵奏玉絃

渡江

此地真天險風濤指顧間雲沈京口驛波突海門山巖  
晚苦長望扁舟獨自還賦詩渾漫興蕭颯動江關

江水祠

江水祠藏江上村遠山如削翠當門千秋盼蠻三吳莫  
萬里波濤九派存風急神鴉盤木末潮回老鶴踏沙痕  
我來欲絮溪毛意空悵靈旗落日昏

詠犬

感精運斗樞詩亦獫廬喉賢嗟畜晉載簡喜歸吳白  
賭博無賴黃牽戾豈誣由來走百里應陳王會圖

詠羊

觶觶不一角日夕聚寒埃仙人石邊起使客雪中來尋  
跡過鄭野聞聲登楚臺念茲不退遂正復我心摧

冬不雨

日短晴偏久雲寒陰屢消天心儲化澤農事切春苗曠  
望歲云暮幽憂思更遙風驚北戶竹疑是響瀟瀟

冬喜雨

條覺寒絲散冷溜作池風尖翻雪落檐角結冰遲紅  
入梅心濕青歸草色滋歲功成萬物天意本無私

和春谷先生望古

并序

持誦眞言頓獲妙諦援聖表道貫徹人天說禪  
喻詩遐契古昔無語言文字之爲善斯色聲香  
味之所該微妙正覺遭遇吾師幽讚虛求願爲

弟子敬奉四十字助贊高深

萬法一無法云何究宗旨衆心契真如佛眼觀無始洞  
穿十地根慧證三空理膜拜禮金仙浩劫伊胡止

正月五日見新月有懷

此月猶常月娟娟若更明清光碧雲影遙憶美人情澹  
掩玉窗夢寒驚鳥鵲鳴天涯如不遠相望幾回縈

題正上人禪院梅花

僧院寒梅媚早春疎枝點點未花勻拜經臺上口初暖  
洗鉢池邊風正新索笑記曾親古佛吟詩不待寄離人  
腥紅雪白愁攀折留與諸天說法因

題友人幽篁鳴琴圖

嵇庵詩集

卷三

十一

我生嗜琴幼成癖拂拭枯木奏霹靂一彈一鼓知者稀  
換羽移宮究何益久欲還山蠟雙屐展廣陵散絕真可惜  
君獨胡爲契幽寂眠琴白石常抱膝空山無人永朝夕  
水澹澹兮雲溶溶風清冷兮野烟碧何日與君調素絳  
鳴鳳律手揮日送引虛無竹林蒙密秋蕭瑟

春江花月夜

春江花開春月輝花紅月白照人衣可憐一片春江水  
不到春來送客歸明明月色開芳樹演漾波光采蘭渡  
不照花中人在家只照花中人去路花路迢迢芳草新  
草青花落幾多春何地無人不看月何處無花不看人

人生好似東流水百折千回月光裏水上飄搖離別人  
月中窈窕嬋娟子離別嬋娟兩不逢佳期入夢總成空  
歲歲年年春月白年年歲歲春花紅花有開殘月有落  
花月相思苦無著麗色飛來翡翠衫流光散入珍珠箔  
此夜開簾獨上樓樓頭望見去來舟錦帆掩映春花影  
桂棹沿洄春水流流水無情西復東花殘月落怨春風  
枉教春月開深夜底事春花放幾叢徘徊花月長相憶  
江上人歸歸不得夢醒烏啼待曉光惆悵江南隔江北  
春齋坐雨柬句生

東風吹暖晴雲開期君攜手登春臺驕陽十日太歎灼  
嵇庵詩集

卷三

十三

怪哉一夕興風雷玉窗開落梅花早愁見殘紅委芳草  
徘徊躑躅感流光獨自思君令人老

奉同春谷先生泛湖登雲山閣

我生不如海上鷗嗒然每覺中心愁高視乾坤訪丹訣  
與誰共說逍遙游今年東風入春早晴色烟光滿芳草  
興來呼我泛扁舟百頃風漪淨如埽須臾繫纜隄邊寺  
梅子落花香滿地寺前湖水碧迢迢綠雲一道穿長橋  
雲山之閣晴入望攝衣更與尋僧寮此時日照花中午  
四邊碧樹黃鸝語春色關人爾許深幾年到此難重數  
夫子登樓忽漫吟余亦風前彈素琴蕭然羣籟一時息

却令山水含清音，流光過眼真如夢。樽酒鶯花等閒送，  
萬古江河日月光。幾人得有文章重，青天落日懸春愁。  
我今二毛何所求，願求夫子餐霞術。揮手呼龍到十洲，  
參園木蘭花賦呈春谷先生

木蘭天上花開遍，芳園中參差兩仙植。玉樹慚菁葱，一  
株倚畫樓。彷彿撐青空，一株臨翠池。婆娑映簾櫳，萬藥  
垂香雲。千枝搖春風，錯疑瑤臺雪。飛下蓬萊峯，二月暖  
不消。晶光疊重重，夫子玉堂仙。偶涉塵寰蹤，詩篇照天  
地。筆苞造化工，當花染文翰。字字爭玲瓏，得無瑤華音。  
上報東皇宮，馨香願盈把。相與乘飛龍。

稽庵詩集

卷三

十四

紹周歸自江洲

聞君逐幽寂，遠訪蒼江濱。一別歲華晚，相逢芳草新。  
衣沾柳邊雨，屐踏花中塵。試問勞勞者，如何見此人。

春閨

玉鏡塵封明月光，珍珠簾箔掩蘭堂。何嘗豔色能傾國，  
只是離情枉斷腸。淚濕櫻桃紅雨落，夢牽楊柳碧烟長。  
可憐誤唱江南曲，此恨傷心總不忘。

上巳出游

踏翠尋芳過水濱，比來惆悵倍逡巡。那無情緒逢春日，  
終覺風花觸恨人。芳草萋迷天外路，楊枝繾綣夢中塵。

鎬京宴飲華林射。誰是文章侍從臣。

趙蓮淑

丙

見贈永樂鬚杯既而索歸詩以嘲之

製作真堪擬化工。何來與奪任西東。君家故返連城壁。魯國難勝大屈弓。好自金聲防擲地。莫同銀盃解飛空。荒齋更憶忘形客。非有先生亡是公。

次楚楨過齋中看牡丹韻

欄干曲曲護腥紅。四月園林罨畫中。果是國香能絕代。故教幽谷駐春風。

金尊狂飲醉花前。采筆飛雲直補天。安得此花長供奉。人間芳草任年年。

嵇庵詩集

卷三

十五

同孟瞻楚楨卓人飲城北酒樓

日色含烟下高樹。兩君攜我出門去。新晴不用蠟屐行。草輒沙平城下路。花陰十步九徘徊。趁著餘曛黯黯催。尋芳踏翠嘆銷歇。舉頭月色空中來。清輝飛輪淨如掃。却疑身入千花臺。兩君興發便沽酒。幸及杖頭錢尚有。陳生入市致肴膳。痛飲酣歌忘誰某。且盡當筵今夕歡。世上虛名那堪取。水面燈船去似雲。管弦啁哳不勝聞。波光搖碎月光亂。綠烟演漾金沙痕。酒中樂酣夜方半。燈火零星舫戛岸。喞喞城頭烏夜啼。星斗參差列河漢。我欲升天問明月。碧雲遮斷蓬萊闕。夢向三山去采芝。

誰能坐待看華髮醉裏不知樽酒空狂呼直欲生長風  
仰天大笑嫵姍走共聽僧樓月下鐘

偶閱庚子銷夏記愛其書刻甚工因題

一編遺迹姓名詳細字蠶眠寫萬行對此精靈移恍惚  
由來文物重琳琅斷紈零素沈秋草玉躑金題冷夕陽  
我自閒齋披一過摩挲人代感茫茫

雨中湖上看芍藥放歌

日出朝光散窗牖曉起清吟弄花柳幾人剝啄叩荆扉  
約我郊行共攜手芳路迢迢踏落花霏紅積翠迷雲涯  
須臾青霄換晴色東風吹雨紛如麻就中豪舉二三人

菴庵詩集

卷三

六

欲駕扁舟泛湖水冒雨衝風險不辭狂歌直入滄浪裏  
清波百丈碧於烟風漪浩蕩涵空天山容樹影不復辨  
水光合與天光連畫舫參差雙槳疾去如鷺鳥催歸翼  
風聲格格攬窗飛雲氣沈沈壓篷黑錦纜周遭繫柳陰  
簪裾雜遝穿花林丹霞落地映芳草萬枝紅藥烟中深  
行行踏遍花邊路衫袖霏微濕香霧絕代紅顏撼雨風  
對此踟躕不能去此時行樂難再得同舟況是神仙客  
風格飄搖鸞鳳姿文章秀卓江山色好是相如重閒雅  
莫學馮唐歎頭白舟回別浦斜陽開激越長歌歸去來  
何時黃鶴空中舉便與諸君戲九垓

與孟瞻楚楨西御玉波酒肆小飲

水榭凌虛暝色開  
幾人攜得杖頭來  
驚心歲月都難著  
到眼芳華又易催  
蝶影低斜沈樹入  
棹歌遠散逐波回  
談詩說劍當筵樂  
好趁清狂數舉杯

與孟瞻游建隆慧因竹林諸寺

會適良獨難清游  
欣屢屬余旣飽閑  
散君復恣沈默爾  
我曠遐思雲烟契  
高躅茲焉奚辟人  
且得縱塵目  
招提緣勝覽妙道  
將安尋層宮杳寂  
寂衆林靄陰陰人  
天合共仰去來不  
住心與君罄正覺  
時聞清鐘音

江上

菴庵詩集

卷三

七

九月芙蓉江上秋  
白雲流水不勝愁  
年來無限滄浪興  
目斷烟波萬里舟

雨霽

葉底斜陽帶雨痕  
輕寒輕暖欲黃昏  
桐花滿地蒼苔滑  
深巷無人早閉門

春谷先生七夕招飲並讀甫錄成夢陔堂詩集

深宵銀漢正西流  
高館琴樽合唱酬  
星月娟娟宜七夕  
文章字字足千秋  
風前頓覺生珠玉  
天上應須控斗牛  
共醉闌珊聞漏轉  
却疑身入絳河游

題飲泉先生畫草

生綃半幅寫芳馨晴色烟光逼畫屏荏苒不勝天外遠  
萋迷都入夢中青幾人招隱王孫路何處相思帝子靈  
最是熙荃工點綴蕭蕭風雨閉閒庭

飲泉先生以參園七夕宴集距今匝月感賦成詩

分柬諸子

芳辰容易過詩思洽吾儔有會偏成感清吟不耐秋露  
桐翻鵲起風柳曳蟬愁依舊青天月金波灩灩流

聞菴

問爾勞何事秋來感不禁草深沈水鏡別夢冷秋絃竹  
館羈人夢寒燈倦客心年年空所俟愁絕短牆陰

菴庵詩集

卷二

六

秋夜怨

垂手綺窗邊無情歌采蓮玉容沈水鏡別夢冷秋絃竹  
密華星爛桐疎壁月圓年年望牛女端爲兩心憐

豆花

荷鋤歸去晚籬落碧叢叢白糝山滕雪香流野徑風葉  
深藏小蝶苗蔓引寒蟲筐筥堪秋實由來總未同

和談星台

怡會

見贈之作

十年花下記論文樽酒清狂氣薄雲枉自幽憂空顧我  
不堪牢落更憐君紫鸞鍛羽猶驚衆天馬銜鞿待出羣  
展對一編心魄動欲將筆硯幾回焚

聞道維摩病態慵，搗來果異昔時容。丰神瘦減經秋鶴，文字雄於出峽龍。苔澀藜牀涼雨潤，花圍書幌碧烟濃。乘閒擬奏清商曲，共聽蕭寥萬壑松。

秋江曲

秋江八月秋水生，烟波浩蕩愁人行。行人一去不辭遠，露白風高日將晚。采采芙蓉江上花，所思不見天之涯。江頭無限如花女，門對寒流獨浣紗。

同人分做江文通擬古四首

張廷尉雜述

萬類納大鈞，在化任榮瘁。虛懸契真始，羸縮豈定位。達嵒庵詩集

卷三

九

人貴知足彭殤等，一寄木雁謬。是非蕉鹿殊夢寐，焉知憑噫氣穴竅。分萬吹靜觀，證無生適道。愜所置，潁陽洗耳人不與堯舜治。抗情耽希夷，何者不遺棄。

盧中郎感交

彥聖不世出，由來與道升。虎嘯谷風合，龍起元雲蒸。顧瞻二三子，壯志殊凌兢。遐才著雄畧，都人嘉譽稱。載道必蓄寶，矧茲運會乘。傳說協殷兆，吉甫懋周興。樂毅鎮燕冀，蘭生侍峭澗。偉哉四賢績，勉旃在良朋。我慚斗筲器，弗與鼎鼎勝。綢繆喻夙昔，見善心如登。詩篇表情愔，舊恩良服膺。

袁太尉從駕

天儀循廣陌和鑣揚八鸞肅恭覲我后袞冕躋祠壇輕  
塵翳藻仗條風穆旌竿春卿辨六祝農扈鳩九官鳴笳  
溢浩倡設次麗壯觀颺土察毗務陳詩敷教寬金戈夾  
葆翠蓋盾流軒丹觀謠溥畿甸高烟靄林巒繞艫新藻  
罨迥輦繁花攢廣筵肆瑤圃天祝聞嵩山夏頌美休豫  
周轍豈游盤展詩備宿衛渥恩濡飛翰

休上人怨別

碧月下江渚坐惜蕙草芳我懷復何如所思在瀟湘惆  
悵殊未已離緒亦孔長恒恐鷓鴣旦鳴木葉零繁霜開樽  
嵇庵詩集 卷三 三  
挹椒醕援琴奏清商湛露泣珠薄輕飈動蘭堂相思隔  
楚水夢繞巫山陽

九日同諸公登江天寺塔

琳宮出諸天笑兀壓巨浪循虛盤磴道回旋萬千狀崇  
簷礙日角風鈴響雲上不涉龍象地焉足逞超曠驚風  
撼野水碧海環東向江天無數峯邈迤但烟障俯觀鴻  
雁翔遠與風帆傍不信虛無中天路恒在望登高懷蕭  
晨心焉更惆悵

焦山古鼎歌

海門晻靄開朝暎雁堂靜謐鳥不喧寺僧引我覲古鼎

屹然譎詭雙龍蹲開函拭犀發光怪五色或若手莫捫  
一鼎製欵昉周代無專南仲名俱存字體錯落類石鼓  
擬以時代當周宣冊錫元衣戟縞繹無專對揚天子恩  
古者慶賞必于庶九月既望圖室燔論譔功德懿且美  
用割眉壽宜子孫一鼎陶陵信漢物共王出鎮雄東藩  
五十二字縱復橫爲斗爲蓋須同論隃麋舊地屬三輔  
其厨作器充陵園丁姬墓荒穴狐兔此鼎或與烹蘋繁  
嗚呼二鼎自典重以周匹漢無輕軒金精煥灼互相射  
豈亞號敦紀伯廩蚪蚪蜿螭雜篆隸雲雷縵爛華星繁  
祥光永與慧日麗遠祛饕餮虫尤魂偉哉二鼎幸遭值  
東瞻大海波瀾奔

稽庵詩集

卷三

三

法象合守空王門苔點漏斑錯金碧梅檀花雨香氤氳  
我來訪古後百代賦詩蹇吃辭無源蒲牢一振衆山響  
稽庵詩集卷三終

